

**UNIVERSITY OF SARAJEVO
FACULTY OF SCIENCE**

Broj: 01/01-1675/4-2018
Datum: 04.09.2018. godine

Zmaja od Bosne 33-35
Sarajevo
Bosnia and Herzegovina
Phone ++387 (0)33 723723
Fax ++387 (0)33 649359

Na temelju člana 64. stav (1) tačka b), člana 70. st. 1., 3. i 6. , člana 89. st. 1. i 2.) Zakona o javnim nabavkama („Sl. glasnik BiH“, broj: 39/14), na Preporuku Komisije za javnu nabavku broj: 01/01-1674/3-2018 od 18.07.2018. godine, u postupku nabavke robe: **LABORATORIJSKA OPREMA - LOT 4 Otporna dekada i unimjer**, Dekan Prirodno-matematičkog fakulteta Univerziteta u Sarajevu je donio

O D L U K U
o izboru najpovoljnijeg ponuđača
po konkurentskom zahtjevu za dostavu ponuda

Član 1.

Prihvata se Preporuka Komisije za nabavke, broj: 01/01-1675/3-2018 od 18.07.2018. godine, i ugovor za nabavku robe: **LABORATORIJSKA OPREMA - LOT 4 Otporna dekada i unimjer**, dodjeljuje se ponuđaču **Dijal „M“ d.o.o. Sarajevo**, za ponuđenu cijenu **560,00 KM bez PDV-a**, kao najbolje ocijenjenom ponuđaču.

Član 2.

Prijedlog ugovora o nabavki dostavit će se na potpis izabranom ponuđaču **Dijal „M“ d.o.o. Sarajevo** po proteku roka od 10 dana, računajući od dana okončanja postupka javne nabavke.

Član 3.

Za izvršenje ove odluke zadužuje se i ovlašćuje Sekretarijat i Služba računovodstva Fakulteta.

Član 4.

Ova odluka objavit će se na web-stranici www.pmf.unsa.ba, istovremeno s upućivanjem ponuđaču koji je, kao jedini, učestvovao u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se ponuđaču koji je, kao jedini, učestvovao u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom Dekana o pokretanju postupka javne nabavke broj: 01/01-566/4-2018 od 05.07.2018. godine. Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke bez PDV-a je 800,00 KM. Obavijest o nabavci broj: 654-7-1-93-3-9/18, objavljena je na Portalu javnih nabavki dana 05.07.2018. godine.

Budući da je u ovom postupku objavljena tenderska dokumentacija u sistemu „E-nabavke“, ugovorni organ uputio je poziv za preuzimanje tenderske dokumentacije u sistemu „E-nabavke“, koji odgovara zahtjevu za dostavu ponuda iz člana 88. stav 1. ZJN i to sljedećim ponuđačima:

1. Alphachrom d.o.o. Sarajevo,
2. MIKRO+POLO d.o.o. Sarajevo,
3. Dijal „M“ d.o.o. Sarajevo,
4. MEDA d.o.o. Sarajevo,
5. Conrad d.o.o. Sarajevo,
6. Analitika d.o.o. Sarajevo,
7. HEBE d.o.o. Sarajevo

Iz sistema „E-nabavke“ tendersku dokumentaciju je preuzelo ukupno 32 potencijalna ponuđača.

Komisija za nabavku imenovana je Odlukom broj: 01/01-566/5-2018 od 05.07.2018. godine.

Komisija za nabavke dostavila je 24.07.2018. godine Zapisnik o pregledu i ocjeni ponuda i Izvještaj Komisije sa preporukom o izboru najpovoljnijeg ponuđača broj: 01/01-1675/3 -2018 od 18.07.2018. godine, u postupku javne nabavke **robe: LABORATORIJSKA OPREMA - LOT 4 Otporna dekada i unimjer .**

Komisija je prije samog otvaranja ponuda konstatovala slijedeće:

- da je obaviješteno sedam potencijalnih ponuđača da tendersku dokumentaciju mogu preuzeti na portalu javnih nabavki;
- da je ukupno 32 (tridesetidva) potencijalna ponuđača preuzelo tendersku dokumentaciju.

Komisija za javne nabavke blagovremeno je izvršila otvaranje ponude, koja je bila uredno zapakovana i utvrdila da je ukupan broj pristiglih ponuda 1 i to: Dijal „M“ d.o.o. Sarajevo , te da je ista blagovremena.

Komisija je konstatovala slijedeće:

1. **Ponuda ponuđača Dijal „M“ d.o.o. Sarajevo** sa ukupnom vrijednosti ponude 560,00 KM bez PDV-a ispunjava sve uslove utvrđene tenderskom dokumentacijom, te je ista ocjenjena kao formalno-pravno **prihvatljiva**.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispijelih ponuda, shodno kriterijima iz Tenderske dokumentacije.

U postupku ocjene provedenog postupka, dekan Prirodno-matematičkog fakulteta Univerziteta u Sarajevu nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Prema Izvještaju Komisije, broj: 01/01-1675/3-2018 od 18.07.2018. godine navedena ponuda ispunjava formalno-pravne i tehničke uslove, navedene u konkurentskom zahtjevu.

Konačna rang lista ponuđača

R.br.	Naziv/ime ponuđača	Ponuđena cijena (bez PDV-a)
1.	Dijal „M“ d.o.o. Sarajevo	560,00 KM

Shodno navedenom, **Komisija je prema utvrđenom kriteriju najniže cijene dala preporuku da se u predmetu nabavke robe: LABORATORIJSKA OPREMA - LOT 4 Otporna dekada i unimjer, donese Odluka o dodjeli ugovora ponuđaču Dijal „M“ d.o.o. Sarajevo , čija cijena ponude iznosi 560,00 KM.**

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, odlučeno je kao u dispozitivu.

Dokaze o kvalifikaciji izabranog ponuđača, isti je dužan dostaviti u roku od 6 (šest) dana od dana dostavljanja Odluke o izboru najpovoljnijeg ponuđača.

Pouka o pravnom lijeku:

Protiv ove odluke može ce izjaviti žalba, najkasnije u roku od 5 (pet) dana od dana prijema ove odluke.

DEKAN FAKULTETA

Prof. dr Mustafa Memić

Dostaviti:

- Ponuđaču: Dijal „M“ d.o.o. Sarajevo
- Dosije nabavki
- a/a